

կցելով անոր նոյն վանքին աւերակներէն երևան ելած քաղաք-  
 տեղեան պղնձե անագարանին մասը կազմող հողէ սկուառակի մը  
 եզերքին յունարէն արձանագրութեան մեկնարանութիւնը՝ նոյն  
 գիտուններուն կողմէն :

## 1. — Յիշատակութիւնք Ուղեգրաց .

808ին , Commemoratorium de Casis Dei յիշատակարանին հե-  
 ղինակը կը յիշէ այս վանքը . նոյն յիշատակարանին նպատակը  
 Ս . Տեղեաց կամ լքեալ և աւերեալ եկեղեցիներուն ցուցակը կազ-  
 մել չէ , այլ պարզ թուարկում մը երուսողէմի և չրջակայից  
 քահանաներուն և կղերականաց՝ Մեծին Կարոյոսի կողմէն տըր-  
 ուելիք նպատաներուն բաշխումը դիւրացնելու համար : Ան կը  
 խօսի միայն քահանայ ունեցող եկեղեցիներուն վրայ . այսպէս  
 կ'ըսէ ան . «Ս . Պետրոսի մեջ , ուր տնիկա լացաւ , հոն կան հինգ  
 քահանաներ և կղերներ» : Ան ո՛րքէ ակնարկութիւն մը չընե-  
 ոչ Առաքելալին ուրացումին , և ո՛չ քահանայապետին տան : Ուր ա-  
 նիկա լացաւ բառերը կը թուին ցոյց տալ գոյութիւնը ուրիշ սըր-  
 բավայրի մը՝ միեւնոյն Ս . Պետրոսի անուամբ , բայց տարբեր յի-  
 շատակի մը նուիրուած : 870ին Բեռնարդոս վանական կը գրէ ,  
 «քաղաքին հարաւային կողմը կայ Սիոնի լեռան վրայ ուրիշ ե-  
 կեղեցի մը , այն տեղւոյն վրայ , ուր Պետրոս ուրացաւ իր վար-  
 դապետը» :

Բեռնարդոս վանականին այս ծանօթագրութեան մէջ Ս .  
 Պետրոսի եկեղեցւոյն ցոյց տուած վայրը ճիշդ է , ինչպէս նաև  
 մօտը գտնուած Ս . Ստեփանոսի եկեղեցին , բայց այս վերջինը  
 քարկոծման տեղը չէ որ շինուած է , այլ մասանց ամփոփման  
 տեղը . գաղով իր ցոյց տուած Ս . Պետրոսի եկեղեցւոյն , շինուած  
 է ան իր զոյման տեղւոյն վրայ :

Է-Ը գարուն խմբագրուած է երուսողէմի եկեղեցեաց ծիսա-  
 րանը , որուն Քալի և Լահիլի վրացերէն թարգմանութեան երկու  
 ձեռագիրները 1912ին տպագրուած են Թիֆլիսի մէջ Քէքէլիձէի  
 կողմէն . այս ձեռագիրներէն մին (Լահիլ) ցոյց կու տայ մեզ Ս .  
 Պետրոսի սրբավայրերու երկուութիւն մը , 21 Յունվարին , ունի  
 հետեւեալ յիշատակութիւնը «ի Ս . Պետրոս և աւակախի» . 18 Օգոս-  
 տոսին , ուրիշ մը . «Ս . Պետրոս Առաքելոյն եկեղեցիին մեջ և աւակա-